

四庫全書薈要

• 乾隆御覽本

史部

欽定四庫全書薈要

史部

資治通鑑卷二百二十二

詳校官編修臣汪鏞



資治通鑑卷二百二十二 宋 司馬光 撰

胡三省 音註

唐紀三十八

起重光赤奮若盡昭陽
單閼六月凡二年有奇

肅宗文明武德大聖大宣孝皇帝下之下

上元二年春正月癸卯史思明改元應天 張景超引

兵攻杭州敗李藏用將李彊於石夷門 敗補過翻將
即亮翻下同 孫

侍封自武康南出 吳分烏程餘杭二縣置永安縣晉
改為永康又改為武康唐屬杭州 將

會景超攻杭州

自武康南出過狗頭嶺至杭州五十里

溫晁據險擊敗之

去年李藏用使溫晁屯餘杭餘杭東至杭州錢塘縣界一十八里又東二十七里則至杭州此陸路也故溫晁得超而據險待封脫身奔烏程李可封以常州降丁未以敗孫待封

田神功使特進楊惠元等將千五百人西擊王暉

暉戶登翻

辛亥夜神功先遣特進范知新等將四千人自白沙濟

西趣下蜀鄧景山將千人自海陵濟東趣常州

趣七俞翻下同

神功與邢延恩將三千人軍于瓜洲壬子濟江展將步

騎萬餘陳于蒜山

陳蹟曰陣蒜山在潤州城西三里其上多蒜故名蒜蕪貫翻

神功

以舟載兵趣金山會大風五舟飄抵金山下

金山在大江中南直

西津渡口去潤州城七里

展屠其二舟沈其三舟

沈持林翻

神功不得度

還軍瓜洲而范知新等兵已至下蜀展擊之不勝弟殷

勸展引兵逃入海可延歲月展曰若事不濟何用多殺

人父子乎死早晚等耳遂更率衆力戰

帥讀日率

將軍賈隱

林射展中目而仆遂斬之

射而亦翻中竹仲翻日實錄云乙卯平盧兵馬使

考異

田神功生擒逆賊劉展舊神功傳亦然今從劉展亂紀

劉殷許嶧等皆死

嶧音

隱

林滑州人也楊惠元等擊破王晁于淮南晁引兵東走

至常熟乃降

王暉東走度江而至常熟晉分吳縣置海虞縣梁立信義郡南沙縣隋平陳廢郡并

海虞南沙海陽前京信義興國等縣為常熟縣屬蘇州

孫待封詣李藏用降張景

超聚兵至七千餘人聞展死悉以兵授張濬雷使攻杭

州景超逃入海濬雷至杭州李藏用擊破之餘黨皆平

平盧軍大掠十餘日

田神功所將平盧兵也

安史之亂亂兵不及

江淮至是其民始罹荼毒矣

考異曰劉展亂紀孫待封降以下事在二月今因

展敗終言之

荆南節度使呂諲奏請以江南之衡潭岳郴邵

永道連黔中之涪州皆隸荆南從之

邵州漢召陵都梁之地召陵後漢改

為昭陽晉改為邵陽吳立邵陵郡隋廢郡為邵陽縣屬
潭州唐武德四年分置南涿州貞觀十年更名邵州邠

山林翻點

二月奴刺党項寇寶雞

奴刺西羌種落之名刺未舊翻至德

其今翻

二載改陳倉縣為寶雞縣以其地有秦時寶雞祠故也時屬鳳翔府燒大散關南侵鳳州

殺刺史蕭悅

悅余世翻

大掠而西鳳翔節度使李鼎追擊破

之 戊辰新羅王金疑入朝

疑魚力翻

因請宿衛

或言洛

中將士皆燕人

燕於肩翻

久戍思歸上下離心擊之可破也

陝州觀軍容使魚朝恩以為信然屢言於上上勅李光

弼等進取東京光弼奏稱賊鋒尚銳未可輕進朔方節

度使僕固懷恩勇而慢

慢蒲過翻

麾下皆蕃漢勁卒恃功多

不法郭子儀寬厚曲容之每用兵臨敵倚以集事李光弼性嚴一裁之以法無所假貸懷恩憚光弼而心惡之乃附朝恩言東都可取

史言僕固懷恩欲覆李光弼之軍以便其私惡烏故翻朝直送

翻由是中使相繼督光弼使出師光弼不得已使鄭陳節度使李抱玉守河陽與懷恩將兵會朝恩及神策節度使衛伯玉攻洛陽戊寅陳於邙山光弼命依險而陳懷恩陳於平原光弼曰依險則可以進可以退若平原

戰而不利則盡矣思明不可忽也命移于險懷恩復止

之史思明乘其陳未定

陳讀日陣

進兵薄之官軍大敗死者

數千人軍資器械盡棄之

考異曰實錄云史思明潛遣間諜反說官軍曰洛中將

士久戍思歸士多不睦魚朝恩以為然乃告光弼及僕固懷恩衛伯玉等曰可速出軍以掃殘寇光弼等然之今從舊光弼傳實錄曰光弼懷恩敗績步兵死者數萬今從舊思明傳光弼懷恩度河走

保聞喜朝恩伯玉奔還陝抱玉亦奔河陽走河陽懷州

皆沒於賊朝廷聞之大懼益兵屯陝

相州之敗却山之敗皆魚朝恩為之

也唐不以覆軍之罪罪朝恩而罷郭李兵柄失利甚矣

李揆與呂諲同為相不

相悅

乾元二年李揆與呂諲同相上元元年諲罷

諲在荆南以善政聞揆恐

其復入相奏言置軍湖南非便

潭郢邵永道連皆在洞庭湖之南呂諲請兼領

之故揆言非其便復扶又翻

又陰使人如荆湖

荆謂荆南湖謂湖南

求諲過失

諲上疏訟揆罪癸未貶揆袁州長史以河中節度使蕭

華為中書侍郎同平章事史思明猜忍好殺

好呼到翻

羣

下小不如意動至族誅人不自保朝義其長子也

朝直遙翻

下朝清同長知兩翻

常從思明將兵頗謙謹愛士卒將士多附之

無寵於思明思明愛少子朝清使守范陽

朝清守范陽事始上卷上

年少詩
照翻

常欲殺朝義立朝清為太子左右頗泄其謀思

明既破李光弼欲乘勝西入關使朝義將兵為前鋒自

北道襲陝城思明自南道將大軍繼之

南道出二嶺之間漢建安中曹

公西討巴蜀惡南路之險更開北道

三月甲午朝義兵至礪子嶺

即礪子阪也按

舊書礪子嶺在陝城東

衛伯玉逆擊破之

考異曰實錄作甲子按長歷此月丙戌朔下

有戊戌當作甲午

朝義數進兵皆為陝兵所敗

數所角翻敗補邁翻

思明

退屯永寧以朝義為怯曰終不足成吾事欲按軍法斬

朝義及諸將戊戌命朝義築三隅城

新書作三角城蓋一角依山止築其

三角也

欲貯軍糧

貯丁呂翻

期一日畢朝義築畢未泥思明至

詒怒之令左右立馬監泥斯須而畢

詒古侯翻監古銜翻

思明又

曰俟克陝州終斬此賊朝義憂懼不知所為思明在鹿

橋驛

鹿橋驛永寧傳舍也貞觀十七年嘗徙永寧縣於此

令腹心曹將軍將兵宿

衛朝義宿于逆旅

水經注陝城東有漫澗澗北有逆旅亭謂之漫口客舍此鄴道元以一時

經由所見者言之耳自元魏至唐乾元上元間三百許年矣漫口客舍必不復存此逆旅特汎言旅舍耳其

部將駱悅蔡文景說朝義曰

說式為翻

悅等與王死無日矣

自古有廢立請召曹將軍謀之朝義俛首不應

俛音免悅

等曰王苟不許悅等今歸李氏王亦不全矣朝義泣曰

諸君善為之勿驚聖人

當時臣子謂其君父為聖人

悅等乃令許叔

冀之子季常召曹將軍至則以其謀告之曹將軍知諸

將盡怨恐禍及已不敢違

令力丁翻將即亮翻

是夕悅等以朝義部

兵三百被甲詣驛

被皮義翻

宿衛兵怪之畏曹將軍不敢動

悅等引兵入至思明寢所值思明如廁問左右未及對

已殺數人左右指示之思明聞有變踰垣至廐中自韉

馬乘之

韉平秘翻

悅僂人周子俊射之

僂丁念翻射而亦翻

中臂墜馬

遂擒之

中竹仲翻

思明問亂者為誰悅曰奉懷王命

思明封朝義為

懷王

思明曰我朝來語失

謂欲新朝義也

宜其及此然殺我太早

何不待我克長安今事不成矣悅等送思明于柳泉驛

囚之

唐制三十里一驛柳泉驛又富在鹿橋驛東三十里

考異曰河洛春秋曰思明混諸嫡庶以少者

為尊惟愛所鍾即為繼嗣欲殺朝義追朝清為偽太子左右泄之父子之隙自此始構邠志曰三月思明乘勝

欲下陝城使朝義帥銳卒北路先往

還報朝義曰事成

矣

還從宣翻朝直逼翻

朝義曰不驚聖人乎悅曰無時周摯許叔

冀將後軍在福昌

將即亮翻又音如字福昌又在柳泉驛之東宋白曰福昌縣唐屬洛州古

宜陽地今縣治
魏一泉鳴城

悅等使許季常往告之摯驚倒于地朝

義引軍還摯叔冀來迎悅等勸朝義執摯殺之軍至柳

泉悅等恐衆心未壹遂縊殺思明

縊一計翻
又於賜翻

以氈裹其

尸橐駝負歸洛陽朝義即皇帝位改元顯聖密使人至

范陽勅散騎常侍張通儒等

散昔亶翻
騎奇計翻

殺朝清及朝清

母辛氏并不附已者數十人其黨自相攻擊戰城中數

月死者數千人范陽乃定

去年若果能使郭子儀自朔
方直擒范陽通直城中自相

攻擊可馳檄而下也朝義以其將柳城李懷仙為范陽尹燕京留

守

然因肩翻守式又翻考異曰實錄曰朝義既殺思明密遣使馳至范陽殺偽太子朝英及偽皇后辛氏

并不附已者數十人偽范陽留守張通儒知有變遂引兵戰于城中數日戰不利死者數十人通儒被斬于亂兵中薊門紀亂曰思明既王有數十州之地年餘朝義遂為皇太子朝興辛氏之長男特為思明所愛者酒好色凶獷頑戾招集幽薊惡少與其年齒相類者百餘人為左右皆彎弓利劍飾以丹雘珠玉帶佩印雕鏤金銀控弦揮刃常如見敵以南行大將子弟統之每與其黨飲宴酒酣焚燎其鬚髮或以銅彈丸擊之以顧顧為的血流至地無楚痛之色則賞卮酒少似頻蹙乃鞭之從腥至踵或至數千困絕將殞方捨之俟稍愈復鞭之有杖六七千不死者姬妾皆思明所掠良家子有不稱命則殺之亦有以湯鑊死者既火盛湯沸令壯士抱而投之初宛轉呼須臾骨肉糜爛旁人皆毛豎股慄朝興笑臨而觀之以所策越杖于鑊中撞擊顏色自若上元

二年三月甲寅使使告捷云王師敗績于洛北斬首萬餘級勅其六宮及朝興備車馬為赴洛之計賊庭之黨相慶踊躍叫喚聲振天地十餘日又宦者二人傳思明偽勅云收兵陝虢以朝興為周京留守仍勒馳驛速發并牟氏已下續行朝興大喜其宦者朝義偽遣之人莫知也時朝義已殺思明僭位潛勒偽左散騎常侍張通儒戶部尚書康孝忠與朝興將高鞠仁高如震等謀誅朝興其日朝興速召工匠與其母妻造寶細鞍勒搜索庫藏修乘騎之具并命左右各備行裝唯數十人侍衛思明留駿馬百餘匹在其廐中朝興出入馳驟每日則於桑乾河飲之通儒將入潛令康孝忠從數十人持兵詣飲處馳取其馬閉于城南毗沙門神之院通儒與鞠仁領步兵十餘人入其日華門偽皇城留守劉象昌逢之驚問其故通儒顧左右斬之俄而朝興腹心衛烏鶴又問亦斬之子城擾亂朝興惶怖猶能操甲持兵與親信二三十人出拒奔走于廐中取馬馬盡矣唯病馬

一匹朝興來而策之不前遂步戰通儒立白旗招朝興之黨降者捨罪後官爵悉少等雖沐朝興之錫賚亦怨其無道鞭撻降者大半朝興猶從十餘人接戰弓矢所發無不中者中者皆應弦沒羽通儒軍被廢所傷者數十百人退出子城外人不知甲兵之故皆惶恐潛匿通儒于城門拒戰良久日已云暮朝興求寨不敢走匿城上之通儒樓遂失所在通儒兵入寨中劫掠金帛思明朝興妻衣服皆盡夜半蕃將曹閏之於樓上擒獲之朝興曰我兄弟六七人朝興一身斬之何益高如雲對曰以殿下殘酷人各有怨心朝興曰乞放此一度後更不敢執者皆笑又謂閏之曰此腰帶三十兩黃金新造謹奉將軍閏之曰殿下但死腰帶閏之自解取左右益笑繼以弓弦斷其首函送洛陽偽侍中向閏客特受思明委托朝興亦甚敬憚至是惶怖走入私第不自安旬間待罪通儒頌之勒馳驛赴洛通儒收朝興黨與悉誅之思明號將卒萬年持有寵于朝興又與鞠仁如震等友

善為兄弟當誅朝典之黨也通儒有意于萬年及今行
刑遂忘之至是勅鞠仁如震斬萬年首送鞠仁置酒與
萬年同飲謂曰張尚書令殺弟故相報萬年稽首但乞
快死鞠仁抗聲曰只可兄弟謀取通儒終不肯殺弟於
是如震萬年領其部曲百餘人入子城斬通儒於子城
南廊下城中擾亂又殺其素不快者軍將數人共推偽
中書令阿史那承慶為留守函通儒等首使萬年送洛
陽經其欲以蒯城歸順朝義聞之使使令向閭客所在
却回為留守鞠仁如震等各從數百人被甲巡城城中
人心彌懼承慶為留守一兩日又不自安遞相疑阻於
是領蕃兵數十騎出于城至如震宅門立令屈將軍暫
要相見如震不虞有難馳至馬前承慶斬之應聲而殞
承慶入東軍與偽尚書康孝忠招集蕃羯鞠仁聞如震
遇害驚而且怒統麾下軍討之相違于宴設樓下接戰
自午至酉鞠仁兵皆城旁少年驍勇勁捷馳射如飛承
慶兵雖多不敵大敗殺傷甚衆積尸成丘承慶孝忠出

城收散卒東保路縣又南掠屬縣野營月餘徑詣洛陽
自陳其事城中蕃軍家口盡踰城相繼而去鞠仁令城
中殺胡者皆重賞於是羯胡俱殪小兒皆擲于空中以
戈承之高鼻頰胡而濫死者甚衆時鞠仁在城中最尊
使使奏朝義以承慶等反向閩客行至貝州承朝義命
廵將至衆官迎之鞠仁嚴兵不出閩客甚懼戒其子弟
從者無帶兵器從數人而入鞠仁待之於日華門閩客
望見下馬執手相慰鞠仁亦抗禮還營閩客但專守子
城瑞生餘不敢輒有所問奏承慶等使廵朝義以鞠仁
為燕京都知兵馬使五月甲戌朔朝義以偽太常卿李
懷仙為御史大夫范陽節度使燕州頗有兵甲故安腹
心鞠仁聞之意不快也無何懷仙至從羸馬數千自薊
城南門入鞠仁不出迎之于日華門懷仙至卑身過禮
立談約為兄弟結盟相固期同保燕邦以獎其主鞠仁
意少解懷仙以薊縣為節度院雖任節制鞠仁兵五千
餘人皆不受命十數日懷仙待之彌厚每衙皆降階交

接鞠仁亦不為之屈既而懷仙命饗軍士中宴鞠仁疑有變兵皆驚走還營被甲懷仙憂懼無計遂囚其牙將朱希彩責以驚軍中之罪其夜鞠仁將襲懷仙遇大雨持疑未決徹明遂止單騎至節度門懷仙已潛備壯士待之鞠仁趨入懷仙亦不改常禮與坐良久乃問驚軍之罪門已闔顧左右拉殺之立捨希彩自暮春至夏中兩月間城中相攻殺凡四五死者數千戰鬪皆在坊市間巷間但兩敵相向不入人家剽劫一物孟家家自有軍人之故又百姓至于婦人小童皆閑習弓矢以此無虞六月丙申宣思明遣結發長將相百僚縞素哭于其聽政樓前卑幼相視而笑笑聲與哭聲參半馬朝義又追向閩客赴洛陽加懷仙燕京留守河洛春秋初朝義令人與向貢并阿史那王殺朝清朝清既受父命常有君臨之心惟以逃獵為務車下勇敢之士僅三十人每日教習然其殘酷頗有父風而加姪亂幽州士庶無不吁嗟向貢高久仁等既見諸將之書又聞思明已死因

說朝清曰昨有密旨令大王主器承祧其事尤重今敵國猶在上人未還倘更移恩于人誠恐自貽窘迫朝清然之是日顧左右各令辭訣便自飭裝高久仁高如震等及其無備率壯士數百人潛入子城門阿史那王向貢等共率三百人繼至朝清時在卧内僕妾侍側忽聞兵士問是何人門人曰三軍叛乃據甲登樓責讓向貢等高如震乃於樓下佯戰朝清自援弓射之凡斃數人阿史那軍佯北朝清下樓向貢等令人擒殺之向貢攝知軍事經四十日阿史那又殺向貢阿史那自稱長史三日後斬高久仁以其首梟之殺朝清故也高如震還固守與阿史那相持城中分兩軍經五日以燕州街為界各自禦備遽相捉搦不得往來阿史那從經略軍領諸蕃部落及漢兵三萬人至宴設樓前與如震會戰如震不利乃使輕兵二十人於子城東出直至經略軍南街腹背而擊之并招漢軍萬餘人阿史那軍敗走于武清縣界野營後朝義使招之盡歸東都應是胡面不擇

少長蓋誅之於是朝義偽授李懷仙幽州節度高如震
旅拒之中承阿史那適逸之後野行草次人各持兵糧
糧芻芟非戕不應朝義今兵士悉為商賈白衣先行至
幽州盡被捉為團練懷仙方自統五十餘騎直叩薊門
高如震方欲出師以抗其命慮其卒叛因出迎之懷仙
實內圖之且外示寬宥大行誘募咸捨厥愆於是士眾
帖然競皆欣戴乃大賞設經三日因衆前却乃新高如
震幽州遂平舊傳亦云朝義今人殺偽太子朝英新傳
作朝清今從河洛春秋
及新傳餘從薊門紀亂

時洛陽四面數百里州縣皆為

丘墟而朝義所部節度使皆安祿山舊將與思明等夷

朝義召之多不至

朝直遙翻使疏吏翻將即亮翻

略相羈縻而已不能

得其用 李光弼上表固求自貶

上時掌翻

制以開府儀同

三司侍中領河中節度使 術士長塞鎮將朱融

據新書長

塞鎮當在蔚州界唐制上鎮將正六品下中鎮將正七品上下鎮將正七品下

與左武衛將軍

竇如玢等

玢音

謀奉嗣岐王珍作亂金吾將軍邢濟告

之夏四月乙卯朔廢珍為庶人濤州安置其黨皆伏誅

祠祥吏翻

秦茲誅翻 珍業之子也

岐王業上皇之弟

丙辰左散騎常侍張

鎬貶辰州司戶鎬嘗買珍宅故也

散首直翻騎奇計翻鎬下老翻辰州盧溪

郡漢辰陽沅陵義陵縣地舊志辰州京師南微東三千四百五里

己未以吏部侍郎

裴遵慶為黃門侍郎同平章事

乙亥青密節度使尚

衡破史朝義兵斬首五千餘級 丁丑充郾節度使能

元皓破史朝義兵

郾音運能
奴代翻

壬午梓州刺史段子璋

反子璋驍勇從上皇在蜀有功

梓州梓潼郡漢郾縣廣
漢氏道地號堅亮翻

東川節度使李異秦替之

替代也

子璋舉兵襲異于綿州

綿州治巴西
漢之涪縣也

道過遂州刺史虢王巨蒼黃修屬郡禮迎

之

梓遂二州並屬東川節度蓋列郡也
巨修屬郡禮以迎子璋示卑服之意

子璋殺之李異

戰敗奔成都子璋自稱梁王改元黃龍以綿州為龍安

府置百官又陷劔州

劔州治普安漢
之梓潼縣也

五月己丑李光

弼自河中入朝 初李輔國與張后同謀遷上皇於西

內 遙上皇見 是日端午山人李唐見上上方抱幼女謂

上卷上年

唐曰朕念之卿勿怪也對曰太上皇思見陛下計亦如

陛下之念公主也上泣然泣下 泣胡然 然畏張后尚不敢

獻翻

詣西內 癸巳党項寇寶雞 初史思明以其博州刺

史令狐彰為滑鄭汴節度使將數千兵戍滑臺 滑州古滑臺也

彰密因中使楊萬定通表請降徙屯杏園度思明疑之

遣其將薛岌圍之彰與岌戰大破之因隨萬定入朝甲

午以彰為滑衛等六州節度使

滑衛相見魏博六州

戊戌平盧

節度使侯希逸擊史朝義范陽兵破之 乙未西川節

度使崔光遠與東川節度使李奐共攻綿州庚子拔之

斬段子璋 復以李光弼為河南副元帥太尉兼侍中

都統河南淮南東西山南東荆南江南西浙江東西八

道行營節度

考異曰實錄舊紀皆云光弼都統河南淮南山南東江東五道唐歷會要為河南

淮南東西山南東荆南五道劉展亂紀又有江西浙東浙西凡八道按袁晁亂浙東光弼討平之則是浙東亦其統內也今從之復扶又出鎮臨淮

臨淮郡泗州

六月甲

寅青密節度使能元皓敗史朝義將李元遇

按上卷元年冬書元

郭節度使能元皓詳考本末青密恐當作充郭敗補賣翻

江淮都統李峘畏失守

之罪

失守事見上卷上年峘戶登翻

歸咎於浙西節度使侯令儀丙子

令儀坐除名長流康州

康州因晉康郡而名治端溪縣至京師五十七百五十里東都

五十里一百

加田神功開府儀同三司

賞平劉展之功也

徙徐州

刺史

自平盧兵馬使徙刺徐州

徵李峘鄧景山還京師

遷從宣翻又音如字

戊寅党項寇好時

党底朗翻時音止好時縣自漢至後魏屬扶風後周省隋開皇十七年置

上宜縣屬京兆又有舊莫西縣十八年改曰好時大業三年廢入上宜武德二年分醴泉置好時貞觀八年廢

上宜入岐陽二十一年省好時
岐陽復置上宜更上宜曰好時

秋七月癸未朔日有

食之既大星皆見

見賢通翻

以試少府監李藏用為浙西

節度副使

少詩照翻

八月癸丑朔加開府儀同三司李輔

國兵部尚書乙未輔國赴上

僕射尚書赴省供職曰赴上上時掌翻

宰相

朝臣皆送之御厨具饌太常設樂輔國驕縱日甚求為

宰相上曰以卿之功何官不可為其如朝望未允何

息相

亮翻朝直送翻

輔國乃諷僕射裴冕等使薦已上密謂蕭華曰

輔國求為宰相若公卿表來不得不與華出問冕曰初

無此事吾臂可斷

斷丁管翻

宰相不可得華入言之上大悅

輔國衛之

衛戶絨翻

己巳李光弼赴河南行營 卒己巳

殿中監李若幽為鎮西北庭興平陳鄭等節度行營及

河中節度使

代李光弼

鎮絳州賜名國貞

九月甲申天成

地平節

上於景雲二年九月三日生以九月三日為天成地平節

上於三殿置道場

南部新書大明宮中有麟德殿在仙居殿之西北此殿三面亦以三殿為名雍錄麟德殿在翰林院之東以

宮人為佛菩薩

釋典曰菩普也薩濟也言能普濟衆生也

武士為金剛神王

范成大曰在處寺門有兩金剛神是千佛數中最後者一名婁至德一名青葉髻

召大臣膜拜圍

繞膜莫手翻

士寅制去尊號但稱皇帝去年號但稱元年

去羌呂翻

以建子月為歲首月皆以所建為數因赦天下停

京兆河南太原鳳翔四京及江陵南都之號

四京見二百二十卷

至德元載南都見上卷上年

自今每除五品以上清望官及郎官御

史刺史令舉一人自代觀其所舉以行殿最

令力丁翻殿丁甸翻

江淮大饑人相食 冬十月江淮都統崔圓署李藏

用為楚州刺史

統他綜翻或從上聲 考異曰劉展亂紀曰初劉展既平諸將爭功時賞未及

李藏用崔圓乃署藏用為楚州刺史領二城而居盱眙按實錄七月藏用已除浙西節度副使蓋恩命未到耳

會支度租庸使以劉展之亂諸州用倉庫物無準奏請

徵驗

唐六典度支郎掌支度國用租賦多少之數凡天下邊軍皆有支度之使以計軍資糧仗之用每歲

所費皆由度支而會計之此支度租庸使蓋使之支度江淮租庸者也使疏吏翻

時倉猝募兵物

多散亡徵之不足諸將往往賣產以償之藏用恐其及

已嘗與人言頗有悔恨其牙將高幹挾故怨使人詣廣

陵告藏用反先以兵襲之藏用走幹追斬之崔圓遂簿

責藏用將吏以驗之將吏畏皆附成其狀

將即亮翻附高幹之言以

成李藏用反狀

獨孫待封堅言不反圓命引出斬之或曰子何

不從衆以求生待封曰吾始從劉大夫奉詔書來赴鎮

劉大夫謂劉展赴鎮事見上卷上年

人謂吾反李公起兵滅劉大夫今又

以李公為反如此誰則非反者庸有極乎吾寧就死不

能誣人以非罪遂斬之

史言兵興之時多濫利

建子月壬午朔

上受朝賀如正旦儀

以其月為歲首也朝直遙翻下同

或告鴻臚卿

康謙與史朝義通事連司農卿嚴莊俱下獄

臚陵如翻朝直遙翻

下廷嫁翻獄宜欲翻

京兆尹劉晏遣吏防守莊家上尋勅出莊引

見

見賢通翻

莊怨晏因言晏與臣言常道禁中語矜功怨上

丁亥貶晏通州刺史

通州通川郡漢宕渠縣地舊志通州京師西南二百五十里

莊

難江尉

難江縣漢宕渠地梁置東巴州後魏恭帝改集州以縣屬梁州唐初復置集州以難江為治所

謙伏誅戊子御史中丞元載為

戶部侍郎充句當度支鑄錢鹽鐵兼江淮轉運等使

古句

侯翻當丁浪翻度載初為度支郎中敏悟善奏對上愛

徒洛翻使疏吏翻

其才委以江淮漕運數月遂代劉晏專掌財利 戊戌

冬至己亥上朝上皇於西內

朝直遙翻下同

神策節度使衛

伯玉攻史朝義拔永寧破澠池福昌長水等縣

永寧池福昌

三縣時屬河南府通彌充翻後魏分陝縣置南陝縣西
魏改曰長淵屬弘農郡唐初改名長水避高祖諱也初
屬穀州後屬洛州宋白曰長水縣本盧氏地後魏延昌
二年分盧氏東境庫谷以西沙渠谷以東為南陝縣餘
同上

巳酉上朝獻太清宮庚戌享太廟元獻廟

太清宮在

丹鳳門之左南出第二坊太廟在朱雀街東第
二街北來第二坊元獻廟上母元獻楊后廟也建丑月

辛亥朔祀圓丘太一壇

乾元元年

立太一壇見二百二十卷考異曰實錄建子月戊

戌冬至其日祀昊天上帝巳亥詔以來月一日祀圓丘
及太一壇又云建丑月辛亥以河南節度使來瑱為太
子少保下又有丁未巳酉庚戌日事又云建丑月辛亥
朔拜南郊祭太一壇按瑱傳未嘗為河南節度使及少
保實錄刺此一日事其冬至祀
上帝蓋有司行事非親祀也

平盧節度使侯希逸

與范陽相攻連年救援既絕又為奚所侵乃悉舉其軍
二萬餘人襲李懷仙破之因引兵而南

寶應元年

以楚州表言上帝賜寶
玉改元改元實在四月

建寅月

去年九月
以建子月為

歲首而通鑑仍以建寅月為歲首者以是年
四月制復月數皆如其舊也改元亦在是月甲申追尊

靖德太子琮為奉天皇帝妃竇氏為恭應皇后丁酉葬

于齊陵

琮上皇之長子天寶十載薨諡曰靖德太子新
書地理志齊陵在京兆昭應縣東十六里琮祖

宗

甲辰吐蕃遣使請和

使疏
史翻

李光弼拔許州擒史

朝義所署潁川太守李春朝義將史參救之

許州潁川郡
唐已復郡為

州安史猶仍天寶舊名
守式又翻將即亮翻

丙午戰于城下又破之 戊申

平盧節度使戾希逸於青州北度河而會田神功能元

皓於兗州

使疏吏翻
能奴代翻

租庸使元載以江淮雖經兵荒

其民比諸道猶有資產乃按籍舉八年租調之違負及逋

逃者計其大數而徵之

八年自天寶十三載止上元二年天寶十三載天下未亂租調

之人為盛十四載而祿山反租調始有違負逋逃自是迄于去年大難未平戰兵不止連負逋逃年甚一年今不問有無計其大數而徵之調徒鈞翻擇豪更為縣令而督之不問負之

有無貨之高下察民有粟帛者發徒圍之籍其所有而

中分之甚者什取八九謂之白著

著直略翻今人猶謂無故而費散財物者

為白著勃海高雲有白著歌曰上元官吏務剝削江淮之人多白著

有不服者嚴刑以威

之民有蓄穀十斛者則重足以待命

重直龍翻

或相聚山澤

為羣盜州縣不能制

建卯月辛亥朔赦下復以京

兆為上都河南為東都鳳翔為西都江陵為南都太原

為北都

去年罷四京及南都復扶又翻又如字

奴刺寇成固

成固縣自漢以來屬

漢中刺來達翻

初王思禮為河東節度使資儲豐衍贍軍之外

積米百萬斛奏請輸五十萬斛於京師思禮薨

乾元元年王思

禮鎮太原其
堯當在去年

管崇嗣代之為政寬弛信任左右數月間

耗散殆盡惟陳腐米萬餘斛在

言見在米止此數

上聞之以鄧

景山代之景山至則鉤校所出入將士輩多有隱沒皆

懼有裨將抵罪當死諸將請之不許其弟請代兄死亦

不許請入一馬以贖死乃許之諸將怒曰我輩曾不及

一馬乎遂作亂

將即亮翻

癸丑殺景山上以景山撫御失所

以致亂不復推究亂者遣使慰諭以安之

復扶又翻

諸將請

以都知兵馬使代州刺史辛雲京為節度使雲京奏張

光晟為代州刺史

張光晟有德於羊雲京見上卷乾元二年

絳州素無儲

蓄民間饑不可賦斂

斂力贖翻

將士糧賜不充朔方等諸道

行營都統李國貞屢以狀聞朝廷未報軍中咨怨

咨差憂愁

而怨上也突將王元振將作亂

突將以領驍勇馳突之士突將即亮翻

矯令於

衆曰來日修都統宅各具畚鍤

畚布瓦翻織竹為器鍤測洽翻莖也

待命

于門士卒皆怒曰朔方健兒豈修宅夫邪乙丑元振帥

其徒作亂燒牙城門

帥讀日率

國貞逃于獄元振執之置卒

食於前曰食此而役其力可乎國貞曰修宅則無之軍

食則屢奏而未報諸君所知也衆欲退元振曰今日之

事何必更問都統不死則我輩死矣遂拔刃殺之鎮西

北庭行營兵屯于翼城

翼城縣屬絳州本漢絳縣後魏曰北絳縣隋開皇十八年改曰

翼城以春秋翼侯邑於此也

亦殺節度使荔非元禮推裨將白孝德

為節度使朝廷因而授之 戊辰淮西節度使王仲昇

與史朝義將謝欽讓戰于申州城下為賊所虜淮西震

駭會侯希逸田神功能元皓攻汴州朝義召欽讓兵救

之 絳州諸軍剽掠不已

剽匹妙翻

朝廷憂其與太原亂軍

合從連賊

從子容翻

北新進諸將所能鎮服辛未以郭子儀

為汾陽王知朔方河中北庭潞澤節度行營兼興平定

國等軍副元帥發京師絹四萬匹布五萬端米六萬石

以給絳軍建辰月庚寅子儀將行時上不豫羣臣莫得

進見

見賢通翻

子儀請曰老臣受命將死於外不見陛下目

不瞑矣上召入卧內謂曰河東之事一以委卿史朝義

遣兵圍李抱玉於澤州子儀發定國軍救之乃去上

召山南東道節度使來瑱赴京師瑱樂在襄陽其將士

亦愛之乃諷所部將吏上表留之行及鄧州復令還鎮

樂音洛後
扶又翻

荆南節度使呂諲淮西節度使王仲昇及中

使往來者言瑱曲收衆心恐久難制上乃割商金均房

別置觀察使令瑱止領六州

山南東道領襄鄧隨唐安均房金商九州今分四州

餘五州耳曰領六州無亦
於鄧復二州增領一州邪

會謝欽讓圍王仲昇於申州

數月瑱怨之按兵不救仲昇竟敗沒行軍司馬裴茂謀

奪瑱位

茂如
融翻

密表瑱倔彊難制

倔其勿翻
種其兩翻

請以兵襲取

之上以為然癸巳以瑱為淮西河南十六州節度使

考

異曰舊傳無汝云
十五州今從實錄

外示寵任實欲圖之密勅以茂代瑱

為襄鄧等州防禦使 甲午奴刺寇梁州

刺來連翻

觀察使

李勉棄城走

時山南西道觀
察使置司梁州

以邠州刺史河西臧希讓

為山南西道節度使

山南西道節度領梁洋集壁文通
巴興鳳利開渠達十三州邠彌頻

翻使疏吏翻
布液代宗實錄

考異曰肅宗實錄作
有傳作希讓今從之

丙申党項寇奉

天

党底朗翻奉
天縣屬雍州

李輔國以求宰相不得怨蕭華

求相不得

事見上上元二年
八月相息亮翻

庚午以戶部侍郎元載為京兆尹載

詣輔國固辭輔國識其意壬寅以司農卿陶鈞為京兆

尹輔國言蕭華專權請罷其相上不許輔國固請不已

乃從之仍引元載代華

考異曰僖華傳云肅宗寢疾輔國矯命罷華相今從輔國傳

戊申華罷為禮部尚書以載同平章事領度支轉運使

如故

尚辰羊翻度徒洛翻

建巳月庚戌朔

建巳月四月也

澤州刺史李

抱玉破史朝義兵於城下

朝直送翻

士子楚州刺史崔旆

表稱有尼真如恍惚登天見上帝賜以寶玉十三枚

旆疏

旆翻恍惚廣翻尼女夷翻惚音忽唐會要十三寶一曰玄黃天符如笏長八寸闊三寸上圓下方近圓有孔黃玉也二曰玉雞毛文悉備白玉也三曰穀璧白玉也徑可五六寸其文粟粒無雕鐫之迹四曰西王母白環二

枚白玉也徑六七寸五曰碧色寶圓而有光六曰如意
寶珠圓如雞卵光如月七曰紅練羯大如巨栗赤如櫻
桃八曰琅玕珠二枚長一寸二分九曰玉块形如玉環
四分缺一十曰玉印大如半手斜長埋如鹿形陷入印中
以印物則鹿形者馬十一曰皇后採桑鉤長五六寸細
如筋屈其末似金叉似銀十二曰雷公石斧長四寸闊
二寸無孔細緻如青玉十三曰闕几十云中國有災以
三寶置于日中皆白氣連天旣所臻翻

此鎮之羣臣表賀 甲寅上皇崩于神龍殿

神龍殿蓋中宗於神

龍間居之

年七十八乙卯遷坐于太極殿

坐徂卧翻上

神御坐也

以寢疾發哀於內殿羣臣發哀於太極殿

內殿上居大明宮之寢殿

也太極殿西內前殿大行所御

蕃官務面割耳者四百餘人

務里之翻

丙辰

命苗晉卿攝冢宰上自仲春寢疾聞上皇登遐哀慕疾

轉劇乃命太子監國

冢而隴翻
監古銜翻

甲子制改元

改元復以
實應

復以

建寅為正月月數皆如其舊

復扶
又翻

赦天下

初張后與

李輔國相表裏專權用事

見上卷乾
元二年

晚年更有隙內射

生使三原程元振黨於輔國

以宦官領射生手
故曰內射生使

上疾篤

后召太子謂曰李輔國久典禁兵制勅皆從之出擅逼

遷聖皇

玄宗尊號曰
聖皇天帝

其罪甚大所忌者吾與太子今主

上彌留

書顧命曰病日臻既彌留言病
日至一月愈留而不去體也

輔國陰與程元

振謀作亂不可不誅太子泣曰陛下疾甚危二人皆陛下勲舊之臣一旦不告而誅之必致震驚恐不能堪也后曰然則太子姑歸吾更徐思之太子出后召越王係謂曰太子仁弱不能誅賊臣汝能之乎對曰能係乃命內謁者監段恒俊選宦官有勇力者二百餘人授甲於長生殿後

恒戶
登翻

乙丑后以上命召太子元振知其謀密

告輔國伏兵於陵霄門以俟之

雍錄六典大明宮圖宮城北面玄武門之西有

青霄門閣本大明宮圖作陵雲門

太子至以難告

雞乃
旦翻

太子曰必無是

事主上疾亟召我我豈可畏死而不赴乎元振曰社稷事

大太子必不可入乃以兵送太子於飛龍廐

飛龍廐伏內六閑之

一也程大昌曰在玄武門外

且以甲卒守之是夜輔國元振勒兵三

殿收捕越王係段恒俊及知內侍省事朱光輝等百餘

人繫之以太子之命遷后于別殿時上在長生殿使者

逼后下殿并左右數十人幽于後宮宦官宮人皆驚駭

逃散丁卯上崩

年五十二

輔國等殺后并係及兇王儻

儻下殺翻

考異曰肅宗實錄曰張后因太子監國謀誅輔國其日使人以上命召太子語之太子不可乙丑后矯上命

將與太子程元振知之密告輔國丙寅元振與輔國夜
勒兵於三殿前使人收捕越王及同謀內侍朱光輝段
恒俊等百餘人繫之移皇后于別殿其夜六宮內人中
官等驚駭奔走及明上崩代宗實錄曰乙丑皇后召上
既夜輔國元振勒兵捕係幽后丁卯肅宗崩係傳乙丑
后召太子丙寅夜元振輔國勒兵捕係幽后是日俱為
輔國所害舊肅宗紀丁卯宣遺詔是日上崩代宗紀乙
丑皇后矯詔召太子輔國元振衛從太子入飛龍殿以
俟變是夕勒兵於三殿收係及朱光輝馬英俊等丁卯
肅宗崩新本紀丙寅閣廡使李輔國飛龍殿副使程元
振邀皇后于別殿殺越王係究王憫是夜皇帝崩代宗
錄唐歷統紀係傳皆以段恒俊為馬英俊按張后以乙
丑日召太子迨夜不至時必知有變矣輔國等安能待
至來夜然後勒兵收係等乎蓋收係等在乙丑之夜也
今從代宗實錄舊代宗紀新舊傳皆云究王憫實應元
年薨而代宗實錄羣臣議係憫之罪云二王同惡共扇

姦謀孟僞亦預謀也今從之

是日輔國始引太子素服於九仙門與

宰相相見

閩本大明宮圖宮城西面右銀臺門之北叙有九仙門又北轉東則凌雲門相息亮翻

上皇晏駕拜哭

叙自上皇晏駕後宮中多故不見輔臣

始行監國之令

太命

子監國在甲子前而乙丑即有內變既定乃始行令監古咸翻

戊辰發大行皇帝喪於

兩儀殿宣遺詔

肅宗崩于東內寢殿發喪于西內內朝從上皇也上皇梓宮在西內前殿

已

已代宗即位

高力士遇赦還至朗州

上元元年高力士流巫州遇赦

還至朗州自朗至京師尚二十二百五十里赦者甲子赦也還從宣翻又音如字

聞上皇崩號

慟嘔血而卒

力士流見上卷上元元年號戶刀翻卒子恤翻

甲戌以皇子奉

節王造為天下兵馬元帥

奉節縣名蜀先主改魚復縣為奉節縣帥所類翻

李輔國恃功益橫明謂上曰大家但居禁中外事聽老

奴處分

於上前明言之無所忌憚橫上內不能平以其戶孟翻處昌呂翻分扶問翻

奴處分

方握禁兵外尊禮之乙亥號輔國為尚父而不名

齊太公輔

周武王號師尚父今以其號寵中人

事無大小皆咨之羣臣出入皆先詣

輔國亦晏然處之

史言李輔國凶愚處昌呂翻

以內飛龍廐副使程

元振為左監門衛將軍知內侍省事朱光輝及內常侍

啖庭瑤山人李唐等二十餘人皆流黔中

自朱光輝以下皆大行左

右監古衙翻笑徒
覽翻然其今翻

初李國貞治軍嚴

治直之翻

朔方將士

不樂

樂音各

皆思郭子儀故王元振因之作亂子儀至軍

元振自以為功子儀曰汝臨賊境

絳州東與河南接界時賊又據河陽河內

故云然

輒害主將若賊乘其釁

釁隙也將即亮翻

無絳州矣吾為

宰相豈受一卒之私邪五月庚辰收元振及其同謀四

十人皆殺之

相息亮翻脩士衆皆問罪人得害國貞者王元禮等

考異曰實錄云子儀至軍撫

四十人為首者斬餘並決殺郭志曰七月郭公到朔方行營舊傳曰三月子儀辭赴鎮汾陽家傳曰建辰月十一日發上都二十七日至絳州五月二日斬元振等三十人今元振名從諸書月日從家傳人數從實錄辛

雲京聞之亦推按殺鄧景山者數十人誅之由是河東

諸鎮率皆奉法

郭子儀誅王元振而河東諸鎮皆奉法
侯固懷恩分河北諸州授田承嗣等以

成藩鎮之禍用人可不謹哉

壬午以李輔國為司空兼中書令

党項寇同官華原

甲申以平盧節度使侯希逸為平

盧青淄等六州節度使

青淄齊沂密海六州淄州治淄川本漢瑕陽縣宋僑立清河郡

及貝丘縣魏為東清河郡
隋置淄州取淄水為名

由是青州節度有平盧之號

乙酉徙奉節王适為魯王

适古活翻

追尊上母吳妃為

皇太后

吳妃事肅宗于東宮生上而薨

壬辰貶禮部尚書蕭華為峽

州司馬元載希李輔國意

輔國以不相街華

以罪誣之也

勅

乾元大小錢皆一當一民始安之

民不便乾元三品錢見上卷乾元二年

史朝義自圍宋州數月城中食盡將陷刺史李岑不

知所為遂城果毅開封劉昌曰

易州有遂城府開封漢縣唐屬汴州漢故縣在

今縣南五十里杜佑曰天寶以後邊帥怙寵便請署官易州遂城府坊州安臺府別將果毅之類每一制則同

長十餘人倉中猶有餉數千斤請屑食之不過二十日李太

尉必救我

李太尉胡光弼

城東南隅最危昌請守之李光弼至

臨淮諸將以朝義兵尚彊請南保揚州光弼曰朝廷倚

我以為安危我復退縮朝廷何望

復扶又翻

且吾出其不意

賊安知吾之衆寡遂徑趣徐州

趣七喻翻

使兗鄆節度使田

神功進擊朝義大破之先是田神功既克劉展

去年正月神功

克劉展先悉薦翻下同

留連揚州未還太子賓客尚衡與左羽林

大將軍殷仲卿相攻于兗鄆

考異曰衡上元元年為淄青節度使此年五月田

神功自淄青移兗鄆六月衡自賓客為常侍七月仲卿自左羽林大將軍為光祿卿而得相攻于兗鄆者蓋衡猶未離淄青仲卿亦在彼雖

聞光弼至憚其威名神功

遽還河南

此河南總言河南道

衡仲卿相繼入朝

考異曰舊傳云朝義來北邙

之勝寇申光等十三州自領精兵圍李岑于宋州將士
皆懼請南保揚州光弼徑赴徐州以鎮之遣田神功擊
敗之又曰初光弼將赴臨淮在道昇疾而行監軍使以
袁晁方擾江淮光弼兵少請保潤州以避其鋒光弼不
從徑往泗州光弼未至河南也田神功平劉展後逗留
于揚府尚衡殺仲卿相攻于兗鄆來填旅拒于襄陽及
光弼輕騎至徐州史朝義退走田神功遽歸河南尚衡
殺仲卿來填皆懼其威名相繼赴闕按光弼既使田神
功擊敗朝義則是神功已還也實錄今年八月袁晁始
陷台州借使當時已擾江淮則自泗州往潤州不得謂
避其鋒也今

光弼在徐州惟軍旅之事自決之自餘衆

務悉委判官張儔

儔七感翻
又倉含翻

儔吏事精敏區處如流

處昌

呂諸將白事先弼多令與儔議之諸將事儔如光弼由

是軍中肅然東夏以寧

夏戶推翻

先是田神功起偏裨為節

度使

去年六月田神功自平盧兵馬使節度充鄆

留前使判官劉位等於幕

府神功皆平受其拜及見光弼與倭抗禮乃大驚徧拜

位等曰神功出於行伍不知禮儀諸君亦胡為不言成

神功之過乎

史言武夫悍將可以禮化居其上者當以身作則行戶則翻

丁酉赦

天下立皇子益昌王邈為鄭王

天寶改利州為益昌郡

延為慶

王迴為韓王來瑱聞徙淮西大懼上言淮西無糧請

俟收麥而行又諷將吏留已

來瑱收衆以要名欲再求免得乎

上欲姑

息無事壬寅復以瑱為山南東道節度使

復扶又翻

飛龍副

使程元振謀奪李輔國權密言於上請稍加裁制六月

己未解輔國行軍司馬及兵部尚書餘如故以元振代

判元帥行軍司馬仍遷輔國出居外第

自肅宗時李輔國常居禁中內

宅於是道路相賀輔國始懼上表遜位辛酉罷輔國兼

中書令進爵博陸王輔國入謝憤咽而言曰老奴事郎

君不了請歸地下事先帝上猶慰諭而遣之

考異曰舊傳輔國

欲入中書作謝表閣吏止之曰尚父罷相不應復入此門輔國氣憤而言曰老奴死罪事郎君不了請歸地下

事先帝上猶優詔答之按此乃對上之語北對閣吏之言也今從唐紀

士戌以兵部侍

郎嚴武為西川節度使 襄鄧防禦使裴茂屯穀城

穀城

漢沅陽縣地梁置義城郡及義城縣隋開皇十六年廢郡改縣曰穀城以其地有穀城山也

既得密

勅即帥麾下二十人泐漢趣襄陽

帥讀曰率 趣七喻翻

已已陳于

穀水北瑱以兵逆之問其所以來對曰尚書不受朝命

故來若受代謹當釋兵瑱曰吾已蒙恩復留鎮此

復扶 又翻

何受代之有因取勅及告身示之茂驚惑瑱與副使薛

南陽縱兵夾擊大破之追擒茂于申口

金州洵陽縣 有申口鎮

送

京師賜死

考異曰舊戎傳云填設具于江津以俟之戎初聲言假道入朝及見填即云奉代且欲

視事填報曰填已奉恩命復任此戎惶惑辭其麾下曰此言必妄遂引射填軍因與填兵交戰戎軍大敗按填若設具相見則戎豈得遽乙亥以通州刺史劉晏

去年十一

射填軍而交戰今從填傳

月晏敗通州為戶部侍郎兼京兆尹充度支轉運鹽鐵鑄錢

等使 秋七月壬辰以郭子儀都知朔方河東北庭潞

儀澤沁陳鄭等節度行營

時以潞儀澤沁陳鄭為一鎮以李抱玉為節度使蓋抱玉

先以陳鄭節度使討賊在行營李光弼叩山之敗抱玉奔澤州陳鄭為賊所隔朝廷因使之節度潞儀沁澤四

州及興平等軍副元帥 癸巳劔南兵馬使徐知道反

以兵守要害拒嚴武武不得進 八月桂州刺史邢濟

討西原賊帥吳功曹等平之

帥所類翻

己未徐知道為其

將李忠厚所殺劒南悉平 乙丑山南東道節度使來

填入朝謝罪上優待之 己巳郭子儀自河東入朝時

程元振用事忌子儀功高任重數譖之於上子儀不自

安表請解副元帥節度使上慰撫之子儀遂留京師

台州賊帥袁晁攻陷浙東諸州改元寶勝

考異曰柳宗正閏位歷

宋庠紀元通諸皆改元昇國今從新書

民疲于賦斂者多歸之李光弼遣

兵擊晃于衢州

衢州春秋時越姑蔑之地秦以為太末縣漢分立新安縣晉改信安唐置衢州

以三衢山名昔洪水派山為三道故曰三衢故力瞻翻

破之

乙亥徙魯王适為

雍王

雍於用翻

九月庚辰以來瑱為兵部尚書同平章事

知山南東道節度使

乙未加程元振驃騎大將軍兼

內侍監

驃匹抄翻騎奇寄翻

左僕射裴冕為山陵使

方上之役唐置山陵

使以宰相為之議事有與程元振相違者丙申貶冕施州刺史

考異曰代宗實錄祕書監韓穎中書舍人劉烜善候星歷乾元中待詔翰林頗承恩顧又與李輔國昵狎時

上軫憂山陵廣詢卜兆穎等不能精慎妄有否臧因是得罪配流嶺南既行賜死于路初冕為僕射數論時政

遂兼御史大夫充山陵使以李輔國權重有忌乃奏輔國所親信劉烜為判官潛結輔國烜得罪乃連坐焉今從舊

程元振傳

上遣中使劉清潭使於回紇修舊好

好呼且徵

兵討史朝義清潭至其庭回紇登里可汗已為朝義所

誘云唐室繼有大喪今中原無主

因連有玄宗肅宗之喪遂誑以中原無主

可汗宜速來共收其府庫可汗信之清潭致勅書曰先

帝雖棄天下今上繼統乃昔日廣平王與葉護共收兩

京者也

事見二百二十卷至德二載

回紇業已起兵至三城

即朔方三受降

城見州縣皆為丘墟有輕唐之志乃困辱清潭清潭遣

使言狀且曰回紇舉國十萬衆至矣京師大駭上遣殿

中監藥子昂往勞之於忻州南初毗伽闕可汗為登里

求婚肅宗以僕固懷恩女妻之為登里可敦

勞力到翻為于為翻

妻七細翻

可汗請與懷恩相見懷恩時在汾州上令往見之

懷恩為可汗言唐家恩信不可負

為于偽翻

可汗悅遣使上

表請助國討朝義可汗欲自蒲關入由沙苑出潼關東

向藥子昂說之曰關中數遭兵荒

說式芮翻穀所用翻

州縣蕭條

無以供擬恐可汗失望賊兵盡在洛陽請自土門略邢

洛懷衛而南得其資財以充軍裝可汗不從又請自太

行南下據河陰扼賊咽喉

可從刊入聲汗音寒行戶剛翻咽音煙

亦不從

又請自陝州太陽津度河

陝州陝縣北有大陽關黃河津濟之要也即左傳秦孟明

伐晉自茅津濟封穀尸之路也亦曰陝津陝失丹翻

食太原倉粟與諸道俱進乃

從之

隋置太原倉在河東界史言回紇所利在中國財寶而不放輕與賊遇

袁晁陷信

州

信州本吳郡陽郡之葛陽縣陳改葛陽為弋陽唐乾元元年分饒州之弋陽衡州之常山玉山及劉建撫

之地置信州治上饒縣以其旁下饒州故以名縣是饒還翻

冬十月袁晁陷温州

明州

温州永嘉郡治永嘉縣明州餘姚郡治鄞縣今之鄞縣是也

以雍王适為天

下兵馬元帥辛酉辭行以兼御史中丞藥子昂魏琚為

左右廂兵馬使以中書舍人韋少華為判官給事中李

進為行軍司馬會諸道節度使及回紇于陝州進討史

朝義

雍於用翻迨古活翻帥所類翻
少始照翻使疏史翻朝直遂翻

上欲以郭子儀為

迨副程元振魚朝恩等沮之而止

沮在呂翻

加朔方節度使

僕固懷恩同平章事兼絳州刺史領諸軍節度行營以

副迨

絳州絳郡時朔方軍屯絳州故以懷恩領刺史為懷恩恃功畔援張本

上在東宮

以李輔國專橫心甚不平

橫下孟翻

及嗣位以輔國有殺張

后之功不欲顯誅之士戌夜盜入其第竊輔國之首及

一臂而去

考異曰舊傳云盜殺李輔國携首臂而去統紀曰輔國悖于明皇上在東宮聞而頗怒

及踐阼輔國又立功難于顯戮密令人刺之斷其首棄之園中又斷其右臂馳繫秦陵中外莫測後杭州刺史杜濟詰於人曰嘗識一武人為牙門將曰某即害尚父者今從舊傳勅有司捕盜遣中使

存問其家為刻木首葬之

偽子

仍贈太傅

太傅三公

丙寅

上命僕固懷恩與母妻俱詣行營

時登里與懷恩之女俱來故使懷恩母妻

詣行營以親結之

雍王适至陝州回紇可汗屯於河北

雍於用翻迨古

活翻陝失丹翻紇下沒翻可從刊入聲汗音寒陝州之河北也括地志曰陝州河北縣本漢大陽縣天寶元年

太守李齊物開三門以利漕運得古
刃有篆文曰平陸因更名平陸縣

適與僚屬從數十

騎往見之可汗責適不拜舞藥子昂對以禮不當然回

紇將軍車鼻曰唐天子與可汗約為兄弟可汗於雍王

叔父也何得不拜舞子昂曰雍王天子長子今為元帥

騎奇寄翻長知
兩翻帥所類翻

安有中國儲君向外國可汗拜舞乎且

兩宮在殯

兩宮謂上皇先
帝時皆未葬

不應舞蹈力爭久之車鼻遂

引子昂魏琚韋少華李進各鞭一百以適年少未諳事

遣歸營

應於陵翻少詩照翻諳烏含翻
實錄云雍王恭行詔命解色不屈虜亦不敢失

考異曰代宗

禮時人難之時官軍合圖將誅無禮王以東略之故止之又曰會中數萬人駭愕失色雍王正色叱之可汗遂退建中實錄曰上堅立不屈此蓋史官虛美耳今從舊回紇傳

琚少華一夕而死戊辰

諸軍發陝州僕固懷恩與回紇左殺為前鋒陝西節度

使郭英乂

方鎮表上元元年改陝號華節度為陝西節度使使疏吏翻

神策觀軍容

使魚朝恩為殿

殿丁練翻

自澠池入

澠彌充翻

路澤節度使李抱

玉自河陽入河南等道副元帥李光弼自陳留入

分道並入

以攻雍王留陝州

考異曰代宗實錄戊辰元帥雍王帥僕固懷恩等諸軍及回紇兵馬進

發陝州東討留英乂朝恩為後殿是日又詔河東道節度使自澤州路入今從唐歷及舊朝義傳

辛未

懷恩等軍于同軌

河南永寧縣後周之同軌縣地有同軌城

史朝義聞官軍

將至謀於諸將阿史那承慶曰唐若獨與漢兵來宜悉

衆與戰若與回紇俱來其鋒不可當宜退守河陽以避

之朝義不從

朝直追翻諸將即亮翻紇下沒翻

壬申官軍至洛陽北郊

分兵取懷州癸酉拔之

去年印山之敗河陽懷州皆陷于賊洛陽北郊在印山外乙

亥官軍陳于橫水

按舊書橫水在洛陽北郊金人疆域圖孟津縣有橫水店陳讀曰陣下恩

陳陳於賊陳陳亦同

賊衆數萬立柵自固懷恩陳于西原以當之

遣驍騎及回紇並南山出柵東北

驍堅亮翻騎奇計翻並步浪翻柵測革翻

表裏合擊大破之朝義悉其精兵十萬救之陳於昭覺

寺官軍驟擊之殺傷甚衆而賊陳不動魚朝恩遣射生

五百人力戰賊雖多死者陳亦如初鎮西節度使馬璘

曰事急矣

犯陳而不能陷引退必敗故曰事急使疏吏翻璘離珍翻

遂單騎奮擊奪

賊兩牌

牌古謂之楯晉宋之間謂之彭排南方以皮編竹為之以捍敵北人以木為之左傳樂祁以楊

楯賈禍蓋北方之用木也尚矣

突入萬衆中賊左右披靡

披普彼翻

大軍乘

之而入賊衆大敗轉戰於石榴園老君廟賊又敗人馬

相蹂踐填尚書谷

蹂人九翻尚辰羊翻

斬首六萬級捕虜二萬人朝

義將輕騎數百東走

將即亮翻又音如字下等將同

懷恩進克東京及

河陽城獲其中書令許叔冀王佑等

佑音胃

承制釋之懷

恩留回紇可汗營于河陽使其子右廂兵馬使瑒及朔

方兵馬使高輔成帥步騎萬餘乘勝逐朝義

紇下沒翻可從刊入

聲汗音寒使疏吏翻瑒音暢又堆杏翻帥讀曰率下同騎奇計翻朝直追翻

至鄭州再戰皆

捷朝義至汴州其陳留節度使張獻誠閉門拒之朝義

奔濮州獻誠開門出降

汴皮面翻濮博木翻降戶剛翻下同

回紇入東京

肆行殺略死者萬計火累旬不滅朔方神策軍亦以東

京鄭汴汝州皆為賊境所過虜掠三月乃已

使郭李為帥安有是

禍比屋蕩盡士民皆衣紙

比毗必翻又毗至翻衣於既翻

回紇悉置所

掠寶貨於河陽留其將安恪守之十一月丁丑露布至

京師朝義自濮州北度河懷恩進攻滑州拔之追敗朝

義於衛州

將即亮翻敗補貢翻

朝義睢陽節度使田承嗣等將兵

四萬餘人與朝義合復來拒戰

睢音雖嗣祥吏翻復扶又翻

僕固瑒

擊破之長驅至昌樂東朝義帥魏州兵來戰又敗走

昌樂

漢古縣屬魏州後唐避諱改為南樂樂音洛帥讀曰率

於是鄴郡節度使薛嵩以

相衛洺邢四州降于陳鄭澤潞節度使李抱玉恒陽節度使張忠志以趙恒深定易五州降于河東節度使辛

雲京

洺音名恒戶登翻
衛洺邢趙州降于李抱玉李實臣以深恒定易四

考異曰舊懷恩傳云嵩以相

州降于雲京代宗實錄曰張忠志以趙定深恒易五州
歸順又曰史思明授忠志恒趙節度使今從舊王武俊

傳

嵩楚玉之子也

楚玉薛
訥之弟

抱玉等已進軍入其營按其

部伍嵩等皆受代居無何僕固懷恩皆令復位由是抱

玉雲京疑懷恩有貳心各表言之朝廷密為之備懷恩

亦上疏自理上慰勉之

令力丁翻朝直遙翻
上時掌翻疏所去翻

辛巳制東

京及河南北受僞官者一切不問

為青冀魏幽各據所有州縣以傳世張本

己丑以戶部侍郎劉晏兼河南道水陸轉運都使

唐宗

先天二年以李傑為陝州刺史充水陸運使水陸運使自此始也至開元二年間以傑除河南少尹充水陸運使大寶十二載陝郡太守崔無諤充使楊國忠充使水陸轉運都使始此

丁酉以張忠志

為成德軍節度使統恒趙深定易五州賜姓李名寶臣
初辛雲京引兵將出井陘常山裨將王武俊說寶臣曰
今河東兵精銳出境遠鬪不可敵也且吾以寡當衆以
曲遇直戰則必離守則必潰公其圖之寶臣乃撤守備

舉五州來降及復為節度使以武俊之策為善

說武為
翻復扶

又擢為先鋒兵馬使武俊本契丹也初名沒諾干

為王
武俊

夷張氏得成德張本
吳欺訖翻又音吳

郭子儀以僕固懷恩有平河朔功

請以副元帥讓之己亥以懷恩為河朔副元帥加左僕

射兼中書令單于鎮北大都護朔方節度使史朝義走

至貝州與其大將薛忠義等兩節度合僕固瑒追之至

臨清

臨清漢清淵縣後漢改曰臨清唐屬
貝州九域志在魏州北一百五十里

朝義自衡水

引兵三萬還攻之瑒設伏擊走之回紇又至官軍益振

遂逐之大戰于下博東南

下博漢縣時屬深州

賊大敗積尸擁流

而下朝義奔莫州

考異曰河洛春秋曰朝義戰敗走歸范陽途經衡水漢固場領蕃漢兵

一十五萬追及朝義接戰敗之是夏涉秋苦雨陂湖流注河東兵馬使李錫誠成德軍將李令崇威統精兵亦單面來王統為犄角其漳河及諸津渡船悉是虜獲朝義遣人致命竟不應續令散雇舟船並皆掠盡四路俱絕諸將或請戰或請降朝義不悅田承嗣吐疏與朝義曰臣聞兵勢兩均成敗由將衆寡不敵全滅在權昔劉主破于白帝曹公敗于赤壁陸遜黃蓋皆以權道取之今部統之師皆自疲頓主客勢倍勞逸力殊若驅而令戰未見其利請用車五十來於古夏康王城北作三箇車營車上皆設櫺排倒戈為禦每車甲士二人持兵而伏隨軍子女羅於帳中每營輜重分列其次營後選二萬人布偃月陣凡敵衆我寡則設此陣左右有險亦設

此陣左右奇軍亦設此陣各令猛將主之左者東南行
右者西南行令去車營十里餘營前選精卒五十人雁
行陣使之接戰不勝則退於偃月陣後前軍既却敵必
至車營愛其珍玩必將攻取候其兵縱陣勢已分然後
將鼓齊鳴前後俱至繞鉢奮勇圍楯爭先左軍西行右
軍東邁皆取古城之南今首尾相屬伏兵之發料敵必
驚後軍之來自然斷絕前後既不相救中軍又遇精兵
服色相亂不敵何待令文景義主左軍連干義感主右
軍足下自主中軍若其不捷老臣請以弱卒五十為足
下吞之朝義覽疏大悅因用其計官軍敗績喪師三千
餘級僕固場大震退師數十里由是朝義得達莫州朝
義既敗官軍威聲復振凡所追集人莫已連鳩集舟舫
并連牌檣先濟輜重兼及老弱方以軍南行若有攻擊
僕固場令吏士各顧所部以抗其鋒朝義乃整師徒一
時北濟僕固場亦連船艦懷恩都知兵馬使薛兼訓兵
宵濟赴之今從舊懷恩傳

馬使郝庭玉與田神功辛雲京會於下博進圍朝義于
莫州青淄節度使族希逸繼至 十二月庚申初以太
祖配天地 高祖武德元年制每歲圓丘方丘之祀以太
祖景皇帝配高宗乾封二年以高祖太宗並
配是時太常卿杜鴻漸等議以神堯為受命之主非始
封之君不得為太祖祖以配天地太祖景皇帝始受封于
唐即殷之契周之后稷也請以郊配天地從之

代宗睿文孝武皇帝上之上

初名叡後改名豫肅宗長子也登遐之後
議上廟號曰世宗避太宗諱改曰代宗

廣德元年

是年七月方改
元事見下卷

春正月己卯追謚吳太后曰

章敬皇后

吳太后上
生母也

癸未以國子祭酒劉晏為吏部

尚書同平章事度支等使如故 初來瑱在襄陽程元

振有所請託不從及為相

去年加來瑱
同平章事

元振諧瑱言涉

不順王仲昇在賊中以屈服得全賊平得歸與元振善

奏瑱與賊合謀致仲昇陷賊壬寅瑱坐削官爵流播州

賜死于路由是藩鎮皆切齒於元振

為諸鎮忌程元振
不敢勤王張本

史朝義屢出戰皆敗田承嗣說朝義令親往幽州發

兵還救莫州承嗣自請留守莫州

說式為翻
守式又翻

朝義從之

選精騎五千自北門犯圍而出朝義既去承嗣即以城

降送朝義母妻子於官軍於是僕固瑒希逸薛兼訓

等帥衆三萬追之及於歸義

歸義漢易縣地屬涿郡北齊省入鄭縣武德五年置

歸義及北義州貞觀元年州縣皆省八年復置歸義
縣屬幽州按宋白續通典唐歸義縣在瓦橋關北與

戰朝義敗走時朝義范陽節度使李懷仙已因中使駱

奉仙請降遣兵馬使李抱忠將兵三千鎮范陽縣

范陽縣漢

涿縣也為涿郡治所曹魏文帝改涿郡為范陽郡隋廢
范陽郡復置涿郡於薊縣以涿縣屬焉武德七年改涿
縣為范陽縣仍屬幽州天寶元年改幽州涿郡為范陽
郡故薊城亦曰范陽史以縣字別之其地在薊南宋白

日南至莫州
一百六十里

朝義至范陽不得入官軍將至朝義遣人

諭抱忠以大軍留莫州輕騎來發兵救援之意因責以

君臣之義抱忠對曰天不祚燕唐室復興

復扶
又翻

今既歸

唐矣豈可更為反覆獨不愧三軍邪大丈夫恥以詭計

相圖願早擇去就以謀自全且田承嗣必已叛矣不然

官軍何以得至此朝義大懼曰吾朝來未食獨不能以

一餐相餉乎抱忠乃令人設食于城東於是范陽人在

朝義麾下者並拜辭而去朝義涕泣而已獨與胡騎數

百既食而去東奔廣陽

餉式亮翻令力丁翻朝直還翻騎奇計翻檀州燕樂縣後魏置

廣陽郡後齊廢郡而舊郡名猶存

廣陽不受欲北入奚契丹至溫泉柵

據新舊書懷恩傳溫泉柵在平州界石城縣東北契欺訖翻又音契柵測革翻

李懷仙遣兵追

及之朝義窮蹙縊于林中懷仙取其首以獻僕固懷恩

與諸軍皆還甲辰朝義首至京師

縊於賜翻又於計翻還音旋又如字考

異曰河洛春秋曰朝義東投廣陽郡不受北取路縣魚陽擬投兩蕃至榆關李懷仙使使招回却至漁陽過從路縣至幽州城東阿婆門外於平閭神廟中兄弟同被絞縊而死乃授首與路奉仙經一日諸軍方知歸莫州城下舊僕固懷恩傳曰寶應二年三月朝義至平州石城縣溫泉柵窮蹙走入長林自縊懷仙使妻弟徐有濟

傳其首以獻史朝義傳二年正月李懷仙於莫州生擒之送款來降梟首至闕下實錄寶應元年十一月己亥僕固懷恩上言幽州平河北州縣盡平史朝義為亂兵所戕傳首上都舊紀寶應二年十月河北州郡悉平李懷仙以幽州降田承嗣以魏州降沈既濟建中實錄二年正月賊將李懷仙擒朝義以降山東平唐歷正月甲辰李懷仙擒史朝義梟首獻至闕下盡以所管來降年代記寶應元年十二月己亥僕固懷恩上言史朝義為亂兵所殺傳首上都二年正月甲申朝義梟首至闕新紀廣德元年正月甲申朝義自殺其將李懷仙以幽州降按諸軍圍朝義于莫州已在去年十一月末而河洛春秋云圍城四十日懷恩舊傳亦云攻守月餘日然則朝義之死必在今年正月明矣諸書皆云朝義此年正月被殺而實錄在元年十一月舊紀因之又脫十一月字懷恩傳誤以正月為三月甲申正月十日甲辰三十日也新本紀益據年代記但年代記元年冬十一月己

亥朔義死亦與實錄同若正月被殺不應十月首級已至長安疑甲申自殺甲辰傳首至關新紀正用年代記甲申至關為自殺日未知何所據
今從唐歷以甲辰傳首至京師
閏月己酉夜有回

紇十五人犯含光門突入鴻臚寺

紇下沒翻唐太極宮南面三門中曰朱雀

門東曰安上門西曰含光門按朱雀門太極宮端門也
雍錄曰承天門之南朱雀門之北宗廟社稷百僚廨舍
列乎其間六省九寺一臺兩監十八衛以坊里準之此
兩門內外南北各占兩坊不為民居自朱雀門南即市
井邑屋各立坊巷以此觀之則朱雀街西兩坊百司庶
府居之其門曰含光門朱雀街東兩坊亦百司庶府居
之其門曰安上門司不敢過
癸亥以史朝義降將薛
門也鹽陵如翻

嵩為相衛邢洛貝磁六州節度使

宋白曰磁州本漢廣平縣地周武帝於此

置滏陽縣及成安郡隋開皇十年廢郡置磁州唐武德
元年分相州置磁州貞觀元年州廢薛嵩既得節復表
以相州之滏陽洺州之邯鄲武安置磁州磁州之翻相息亮翻

田承嗣為魏博德滄瀛

五州都防禦使

魏州漢魏郡之地博州漢為東郡聊城
縣德州漢平原郡地隋置德州因安德

之
縣名
李懷仙仍故地為幽州盧龍節度使

改范陽節度
使為幽州節

度使時平盧已陷
又兼盧龍節度使

時河北諸州皆已降嵩等迎僕固懷

恩拜於馬首乞行間自効

降戶江翻
行戶剛翻

懷恩亦恐賊平寵

衰故奏留嵩等及李寶臣分帥河北自為黨援

帥所類
翻下同

朝廷亦厭苦兵革苟冀無事因而授之

河北藩鎮自此
強傲不可制矣

回紇登里可汗歸國其部衆所過抄掠

紇下沒翻可從刊入聲汗

音寒抄楚交翻

廩給小不如意輒殺人無所忌憚陳鄭澤潞節

度使李抱玉欲遣官屬置頓人人辭憚

使疏吏翻

趙城尉馬

燧獨請行

隋義寧元年分霍邑置趙城縣屬晉州

比回紇將至

比必利燧翻及也

先遣人賂其渠帥約毋暴掠

帥所類翻下同

帥遺之旗曰

遺惟李翻

有犯令者君自戮之燧取死因為左右小有違令立斬

之回紇相顧失色涉其境者皆拱手遵約束抱玉奇之

燧因說抱玉曰燧與回紇言頗得其情僕固懷恩恃功

驕蹇其子瑒好勇而輕

說式為翻好呼到翻場音

今內

樹四帥

四帥謂田承嗣李寶臣李懷仙薛嵩

外交回紇必有窺河東澤潞

之志宜深備之抱玉然之

初長安人梁崇義以羽林

射生從來瑒鎮襄陽累遷右兵馬使崇義有勇力能卷

鐵舒鉤沈毅寡言

瑒他旬翻卷讀日捲沈持林翻

得衆心瑒之入朝也

命諸將分戍諸州

朝直逆翻將即亮翻

瑒死戍者皆奔歸襄陽行

軍司馬龐充將兵二千赴河南

蓋先是來瑒使龐充赴河南行營會討史朝義

至汝州聞瑒死引兵還襲襄州左兵馬使李昭拒之充

奔房州崇義自鄧州引戍兵歸與昭及副使薛南陽相

讓為長

長知兩翻

久之不決衆皆曰兵非梁卿主之不可遂

推崇義為帥崇義尋殺昭及南陽以其狀聞上不能討

三月甲辰以崇義為襄州刺史山南東道節度留後

唐藩

鎮命帥未授旌節者先以為節度留後為梁崇義以襄陽拒命而死張本

崇義奏改葬瑱為

之立祠不居瑱聽事及正堂

為于偽翻聽讀曰廳

辛酉葬至道

大聖大明孝皇帝于泰陵

泰陵在同州奉先縣東北二十里金粟山

廟號玄

宗庚午葬文明武德大聖大宣孝皇帝于建陵

建陵在京兆醴

泉縣東北十八里武將山

廟號肅宗

夏四月庚辰李光弼奏擒袁

晁浙東皆平時晁聚衆近二十萬

近其新翻

轉攻州縣光弼

使部將張伯儀將兵討平之伯儀魏州人也郭子儀

數上言吐蕃党項不可忽宜早為之備

不能用郭子儀之言為二虜入

京師張本數所角翻上時掌翻下同

辛丑遣兼御史大夫李之芳等使

于吐蕃為虜所留二年乃得歸

史究言之

羣臣三上表請

立太子五月癸卯詔許俟秋成議之丁卯制分河北

諸州以幽莫媯檀平薊為幽州管恒定趙深易為成德

軍管相貝邢洺為相州管魏博德為魏州管滄棣冀瀛
為青淄管懷衛河陽為澤潞管

自田承嗣李靈耀相繼
叛亂諸鎮所管不復守

此制六月癸酉禮部侍郎華陰楊綰上疏以為古之選

士必取行實

行下孟翻
下行著同

近世專尚文辭自隋煬帝始置

進士科猶試策而已至高宗時考功員外郎劉思立始
奏進士加雜文明經加帖從此積弊轉而成俗朝之公

卿以此待士

朝直
通翻

家之長老以此訓子

長知
兩翻

其明經則

誦帖括以求僥幸

帖括者舉人因試帖遂括取梓會為
一書相傳習誦之以應試謂之帖括

又舉人皆令投牒自應如此欲其返淳朴崇廉讓何可

得也請令縣令察孝廉取行著鄉閭學知經術者薦之

於州行下刺史考試升之於省任各占一經占之朝廷

擇儒學之士問經義二十條對策三道上第即注官中

第得出身下第罷歸又道舉亦非理國置道舉見二百十四卷開元二

十五年望與明經進士並停上命諸司通議給事中李栖

筠左丞賈至京兆尹嚴武並與綰同至議以為今試學

者以帖字為精通考文者以聲病為是非聲病謂以平上去入四聲

緝而歲文音從文順謂之聲反是則謂之病

風流頽敝誠當釐改然自東晉以

來人多僑寓士居鄉土百無一二請兼廣學校保桑梓者鄉里舉焉在流寓者庠序推焉勅禮部具條目以聞綰又請置五經秀才科 庚寅以魏博都防禦使田承

嗣為節度使承嗣舉管內戶口壯者皆籍為兵惟使老弱者耕稼數年間有衆十萬又選其驍健者萬人自衛

謂之牙兵

魏牙兵始此迄于梁唐親以之彊亦以之亡


同華節度使李懷

讓為程元振所譖恐懼自殺

乾元元年置陝虢華節度使上元元年改陝西節度

使分河中之同州與華州
為同華節度使華戶化翻

資治通鑑卷二百二十二



總校官庶吉士臣侍朝

校對官檢討臣龔大萬

謄錄監生臣甄輔廷